

Na osnovu člana 16. stav 4. Zakona o Vladi Zeničko-dobojskog kantona- Prečišćeni tekst („Službene novine Zeničko-dobojskog kantona“, broj: 7/10), u vezi sa razmatranjem Informacije o provedenim aktivnostima u vezi zahtjeva Saveza strukovnih sindikata doktora medicine i stomatologije FBIH za zaključivanje granskog kolektivnog ugovora, na prijedlog ministra Ministarstva zdravstva, Vlada Zeničko-dobojskog kantona, na 93. sjednici održanoj dana 13.04.2017. godine, d o n o s i

ZAKLJUČAK

I

Usvaja se Informacija o provedenim aktivnostima u vezi zahtjeva Saveza strukovnih sindikata doktora medicine i stomatologije FBIH za zaključivanje granskog Kolektivnog ugovora o pravima i obavezama poslodavaca i zaposlenika – doktora medicine i doktora stomatologije, u oblasti zdravstva, na teritoriji Federacije Bosne i Hercegovine.

II

Zadužuje se ministar Ministarstva zdravstva i pregovarački tim Vlade Zeničko-dobojskog kantona, da u daljim aktivnostima koje slijede nakon potpisanog Protokola o vođenju pregovora radi pregovaranja i zaključivanja Kolektivnog ugovora o pravima i obavezama poslodavaca i zaposlenika – doktora medicine i stomatologije, u oblast zdravstva, na teritoriji Federacije Bosne i Hercegovine, ne izlaze iz okvira Kolektivnog ugovora o pravima i obavezama poslodavaca i radnika u oblasti zdravstva na teritoriji Federacije Bosne i Hercegovine („Sl. novine FBiH“, broj: 12/17).

III

Zaključak stupa na snagu danom donošenja.

Broj: 02-_____/17.
Datum, 13.04.2017. godine
Zenica

PREMIJER

Miralem Galijašević

DOSTAVLJENO:

1x Ministarstvo zdravstva,
1x a/a.

INFORMACIJA

o provedenim aktivnostima u vezi zahtjeva Saveza strukovnih sindikata doktora medicine i stomatologije FBiH za zaključivanje granskog Kolektivnog ugovora o pravima i obavezama poslodavaca i zaposlenika – doktora medicine i doktora stomatologije, u oblasti zdravstva, na teritoriji Federacije Bosne i Hercegovine

Cilj Informacije je upoznati Vladu Zeničko-dobojskog kantona o aktivnostima koje su provedene od strane ministra Ministarstva zdravstva Zeničko-dobojskog kantona, vezano za realizaciju Zaključka Vlade Kantona broj: 02-34-18860/16 od 15.11.2016. godine, koji je u prilogu ove Informacije, a kojim je data saglasnost na Prijedlog Protokola o vođenju pregovora radi pregovaranja i zaključivanja Kolektivnog ugovora o pravima i obavezama poslodavaca i zaposlenika – doktora medicine i stomatologije, u oblast zdravstva, na teritoriji Federacije Bosne i Hercegovine.

Rješenjem Federalnog ministarstva rada i socijalne politike, broj: UPI 03-34/12-42/16 od 12.07.2016. godine, po osnovu člana 130. Zakona o radu, utvrđena je reprezentativnost Saveza strukovnih sindikata doktora medicine i stomatologije Federacije Bosne i Hercegovine za teritoriju Federacije BiH, u smislu člana 130. Zakona o radu.

Rješenjem Ministarstva za rad socijalnu politiku i izbjeglice Zeničko-dobojskog kantona broj: 09-34-20297-8/16 od 25.10.2016. godine („Sl. novine Zeničko-dobojskog kantona“, broj: 11/16) utvrđena je reprezentativnost Samostalnog strukovnog sindikata doktora medicine i stomatologije Zeničko-dobojskog kantona na području Zeničko-dobojskog kantona.

Zaključkom Vlade Zeničko-dobojskog kantona broj: 02-34-18860/16 od 15.11.2016. godine, data je saglasnost na Prijedlog Protokola o vođenju pregovora radi pregovaranja i zaključivanja Kolektivnog ugovora o pravima i obavezama poslodavaca i zaposlenika – doktora medicine i stomatologije, u oblast zdravstva, na teritoriji Federacije Bosne i Hercegovine.

Istim Zaključkom ovlašteni su ministar Ministarstva zdravstva, dr. Dragoljub Brenjo i Senad Huseinagić, direktor Instituta za zdravlje i sigurnost hrane Zeničko-dobojskog kantona i Haris Hrgić, pomoćnik sekretara Vlade Zeničko-dobojskog kantona, da kao ovlašteni pregovarači u ime Vlade Zeničko-dobojskog kantona, sudjeluju u pregovorima i potpisivanju dnevnih zapisnika o pregovorima, radi pregovaranja i zaključivanja Kolektivnog ugovora o pravima i obavezama poslodavaca i zaposlenika - doktora medicine i doktora stomatologije, u oblasti zdravstva, na teritoriji Federacije Bosne i Hercegovine i ovlašteni Marunović Petar, dipl.ecc. zaposlenik Zavoda zdravstvenog osiguranja Zeničko-dobojskog kantona, da prisustvuje sastanicima o pregovorima iz prethodnog stava, radi pružanja stručne pomoći ministru Ministarstva zdravstva Zeničko-dobojskog kantona. Navedenim Zaključkom ovlašten je ministar Dragoljub Brenjo, da angažuje i druge stručne kadrove, radi stručnih konsultacija.

Istim Zaključkom ovlaštena je Vlada Federacije Bosne i Hercegovine da u ime Vlade Zeničko-dobojskog kantona, koordinira i vodi pregovore usklađivanja Kolektivnog ugovora o pravima i obavezama poslodavaca i zaposlenika – doktora medicine i doktora stomatologije u oblasti zdravstva na teritoriji Federacije Bosne i Hercegovine.

Navedeni Protokol je potpisan 21.02.2017. godine, kada je i pokrenut postupak pregovaranja o Kolektivnom ugovoru o pravima i obavezama poslodavaca i zaposlenika - doktora medicine i doktora stomatologije u području zdravstva na teritoriju Federacije Bosne i Hercegovine.

Do sada su održana dva sastanka pregovaračkih timova i to 21.02. i 16.03.2017. godine, a u prilogu ove Informacije nalaze se navedeni zapisnici.

U prilogu Informacije je i dopis Saveza strukovnih sindikata doktora medicine i stomatologije FBiH od 12.04.2017. godine, kojim ukazuju da je do sada održan sastanak sa predstavnicima sindikata samo u Ministarstvu zdravstva Zeničko-dobojskog kantona i djelimično u Kantonu Sarajevo, te da je strategija odugovlačenja pregovora, ako postoji, apsolutno neprihvatljiva za navedeni sindikat.

U namjeri osiguranja što bolje pregovačke pozicije ovlaštenog pregovaračkog tima Vlade Zeničko-dobojskog kantona, ministar Ministarstva zdravstva, predlaže Vladi Zeničko-dobojskog kantona, da nakon razmatranja Informacije, usvoji predložene zaključake kojim se:

- 1. Usvaja se Informacija o provedenim aktivnostima u vezi zahtjeva Saveza strukovnih sindikata doktora medicine i stomatologije FBiH za zaključivanje granskog Kolektivnog ugovora o pravima i obavezama poslodavaca i zaposlenika – doktora medicine i doktora stomatologije, u oblasti zdravstva, na teritoriji Federacije Bosne i Hercegovine.**
- 2. Zadužuje se ministar Ministarstva zdravstva i pregovarački tim Vlade Zeničko-dobojskog kantona, da u daljim aktivnostima koje slijede nakon potpisanog Protokola o vođenju pregovora radi pregovaranja i zaključivanja Kolektivnog ugovora o pravima i obavezama poslodavaca i zaposlenika – doktora medicine i stomatologije, u oblast zdravstva, na teritoriji Federacije Bosne i Hercegovine, ne izlaze iz okvira Kolektivnog ugovora o pravima i obavezama poslodavaca i radnika u oblasti zdravstva na teritoriji Federacije Bosne i Hercegovine („Sl. novine FBiH“, broj: 12/17).**

Prilog: kao u tekstu



Ministar:

Dragoljub Brenjo
Dr. Dragoljub Brenjo